

Lɔlɔ eo im Jojo ko

Jān Breanna Call

(Pedped ioon juon bwebwenato emool)

Bwebwenato in ekar bōk jikin ilo USA.

Lalem jojo ko reiallo raar kalimjōk Clara. *Peep, peep, peep!*

Kajjojo spring baamle e an Clara raar wia jojo ko nān kōjparoki. Rainin liin ekar jipañ jemān bōklōk er nān m̄weo nān aer mour ippān bao ko jet.

Ia! eo raar ettōr ie ekar ekkajkaj. Bōtaab Clara ekar jibwe ioon neen bōqok eo jojo ko rej pād ie bwe en jab m̄akūtūt. Liin ekar kōmeraik an popore juon iaer kōn m̄aan addi in pein. Ekar kanooj in meeoeo!

Ke Clara im jemen raar tōpar m̄weo, raar etetal lalōk nān imōn bao eo ilo tulikin m̄weo. Imōn bao eo ekar juon ajjur edik ijo aolep lōlō ko raar mour ie im kar kōm̄mani el ko aer.

“Ewi wōt lōlō in jej aiku j likūt jojo ko ippān?” Jemān ekar kajjitōk.

Clara ekar reito reitak. Juon lōlō ekar kōm̄akūtōk straw nān aeni ippān doon. Straw eo enaaj kar kōm̄mane juon el emeñeñ nān jojo ko rekāāl. Bōlen lōlō eo enaaj juon mama em̄man.

“Eñin,” Clara ekar ba, jitōñlōk lōlō eo.

Baba ekar kōm̄manman an kotak juon jojo jān bōqok eo im likūti turin lōlō eo. Lōlō eo ekar kalimjōk jojo eo. Ekar kotak pein, im ejjab to jojo eo ekar jako!

“Ia eo etal nān e? Em̄man ke an pād jojo eo?” Clara ekar kajjitōk.

*“Jisōs Kraist ekar kōnono kōn menin ilo jeje ko rekwojarjar,”
Baba ekar ba.*

Baba eaar em̄ajidjid. “Lale.” Jojo eo ekar kalimōmōik bōran namōj tak iumwin kojan pein lōlō eo.

“Etke lōlō eo ekar kōm̄man rōt in?” Clara ekar kajjitōk.

“Nān kōjparok jojo eo,” Baba ekar ba. “Lōlō eo enaaj kōjparoke wōt im kōmāñeñe iumwin pā ko pein.”

Clara ekar jipañ jemān likūt jojo ko jet ippān lōlō eo jineer ekāāl. Lōlō eo ekar kotak pā ko pein nān ain aolepāer epake.

“Jisōs Kraist ekar kōnono kōn menin ilo jeje ko rekwojarjar,” Baba ekar ba.

“Mool ke?” Clara ekar kajjitōk. “Ta eo Eaar ba?”

“Inaaj kwaļok nān kwe.”

Clara im Jemān raar deļōñlōk lowaan m̄weo. Baba ekar kwaļoktok jeje ko rekwojarjar. Innām ekar jino an riit.

“Ewi lōñ in Aō naaj kakwelōktok kom̄ ainwōt lōlō ej kakwelōktok jojo ko nejin iumwin pein, eļaññe kom̄

naaj ukeļok im rōļ tok nān Eō kōn aolep tūm̄laļ in būruōmi.”*

Clara ekar ļom̄nak kōn kajjojo jojo ko iumwin kojan pein lōlō ko. “Kōn menin Jisōs ej aintok kōj ainwōt lōlō eo ej bōktok jojo ko iumwin pā ko pein?” Clara ekar kajjitōk.

“Ejim̄we,” Jemān ekar ba. “E ej kōjparok wōt kōj, eja ainwōt an lōlō eo kōjparok jojo ko nejin. Bōtaab E ej bōbrae kōj eļapļok jān m̄ļo. E ejeļā nāat eo jej metak ak nañinmej ak būrom̄oj. E ej letok nān kōj aenōm̄man im kaenōm̄man. E ej kea kōn kōj.”

Jibboñon eo tok juon, Clara ekar najdik lōlō eo im jojo kāāl ko nejin. Ekar kōm̄man an liin ļom̄nak kōn eon eo jemān ekar riiti. Liin ekar ettōñ dikdik ke ekar ļom̄nak kōn Jisōs. Liin ekar jeļā E ekar iakwe e im ekar kea kōn e, ainwōt an lōlō eo kea kōn jojo ko. ●

*3 Nipai 10:6

Ta eo Clara ekar katak kōn Jisōs Kraist?